



Tir Yimym

www.tiryimim.in

Regd. No. RNI. NAGAAO/2004/13113. Postal-NE/RN-717.

e-mail : tiryimim@gmail.com

TAPAK 7

Yangia anidakangma :



Tir Yimym



tiryimim@aolima



tir yimym

TAPAK 8



Joe Biden-i osang mesangdongi Kyiv semdang



Deepika Kumari India team nung medensem

VOL. XX NO. 130 (ADOK 130)

DIMAPUR SANGTENNÜ (TUESDAY)

TSÜKLAI (FEBRUARY) 21, 2023

₹ 5.00

President Murmu-i Arunachal semdang



Itanagar nung President Droupadi Murmu pelaa agizüba angur.

Itanagar, February 20, 2023 (Agencies): India President Droupadi Murmu-i February 20 nü Arunachal Pradesh yimtiba Itanagar semdangi aru.

Arunachal Pradesh indang 37 buba Statehood Day benjung nung President Droupadi-i shilem agi.

Tanü Arunachal Pradesh governor Lt General Kaiwalya Parnaik aser chief minister Pema Khandu nati la pelaa agizük.

Tayimtsü anendak Arunachal Pradesh deputy chief minister Chowna Mein aser Union minister Kiren Rijiju naprong liasü.

Arunachal Pradesh-i linük asem den arrotsüpepa lir anungji infrastructure tajungba yanglutsü nungdaker, ta Droupadi Murmu-i ashi.

"Rongsenketzüing renloktsü aser ano security tsütsü nung Arunachal nung infrastructure

tajungba nungdaker. Centre-i state nung Frontier Highway project atema Rs 40,000 crore lezmüksüba atema pelar. Maneni, Arunachal nung Rs 44,000 crore tema national highways projects inyaktüsü shidanga lir" ta la ashi.

Yaküm November ita Prime Minister Narendra-i West Siang district nung 600 mw Kameng hydro project lapoktsüba ajanga Arunachal ya linük nung power surplus state aküimtsü, President Murmu-isa metetdaksü.

Tanü lai Donyi Polo Airport nung Naharlagun railway station tashi kilometer 40 talang double-lane road yanglutsü atema lung azüingtsü.

President Murmu-isa Itanagar nung Human Rights Commission, Lokayukta aser State Food Commission indang common directorate yanglutsü atema lung azüingtsü.

Thonoknyu nung 144CrPC ozüing agütsür

Dimapur, February 20, 2023 (TYO): February 19, 2023 aonung Thonoknyu Headquarters nung political party ana pusemertem tsüingda mepetmesü adoka raratepba ajanga Noklak Deputy Commissioner-i section 144 CrPC, 1973 kübok ozüing agütsüo.

Yasüing LJP candidate L. Khumo aser NPP candidate M. Beni Lamthiu pusemertem tsüingda mepetmesü ka adoka lung agi ontpedang nisung aika yiru aser gari aika raksatsü.

Iba tatalokba sülen tensa azüoka ayutsü atema Noklak DC K. Mhathung Tsanglao NCS-i

Thonoknyu Hq aser iba jila nung metre 200 temeket nung nisung pungu dak teimba madenshitsu atema tenokdangba agütsüo.

Maneni, iba tenokdangba mapang political party shingaia rally mesüra sendentem ayonga agütsü memelar ta paisa metetdaksü.

Iba tenokdangba ya February 22, 2023 nikongdang 6:00 ako tashi alitsü saka iba nung police, security Forces, Magistrates on Duty, Fire and Emergency services, Educational/Financial institutions aser District Administration den yariteper Departments/agencies madentsü, ta Noklak DC K. Mhathung-isa ashi.

DNSU-i tensa meraksatsü ayongzüker

Dimapur, February 20, 2023 (TYO): February 18, 2023 nikongdang NDPP candidate Moatoshi Longkumer'er kima nung mepetmesü adoka raratepba aitsür ta Dimapur Naga Students' Union (DNSU)-i metetdaksüo.

LJP candidate Y. Vikheho Awomi aser NDPP candidate Moatoshi Longkumer pusemertem tsüingda mepetmesü adok ta angazüker. Anungji

DNSU-i telok anaprong dang election tiptema aser ochishia agütsü asoshi merangba mapa nung tetsükdaksü bentsür marutsü ayongzüker ta ashi.

Class 10 aser 12 kaketshirtemi tatidang agütsütsü atema renemba mapang ka nung political party nüboyimertemi meinprongba atema tebilemstü abener kechiyong iba ajanga kaketshirtem tsübudaksür aser timtem agütsür, ta DNSU-isa ashi.

BJP sorkari Naga yimten latettsü, ENPO dang nangzükba inyaktüsü: Amit Shah

Dimapur, February 20, 2023 (Agencies): Centre nung BJP-i aniba sorkari Naga yimten kobi melii latettsü aser iba atema sorkari kanga meranga inyakdar ta Union Home Minister Amit Shah-i ashi.

Mon jila nung election rally ka nung jembidang Amit Shah-i Eastern Nagaland People's Organisation (ENPO) dang nangzükba mapa küma inyaktüsü ta ashi.

Centre-i küm aika indang tebilemstü koktettsü atema merangba ya Nagaland Chief Minister Neiphiu Rio, Deputy Chief Minister Y Patton aser state BJP president Temjen Imma Along nungeri ngua lir, ta paisa ashi.

Pai tang mezüing atema Mon jila semdang aser taonung Mon nung den külemi yipzüksü ta Home Minister-isa ashi.

Naga loktiliba nung tetsürtem akhüimtsübuba ya kanga nüksahir aser iba ajanga BJP-i Nagaland

nungi Rajya Sabha MP inyaktüsü atema tetsür shim, ta Amit Shah-isa ashi.

"Prime Minister Narendra Modi-i Nagaland nung aser talisa eastern Nagaland nung yimjung aser terenlok mapa inyakba atema pelar. Nagaland nungeri linük asoshi bendanga agütsüo aser iba atema linük ajunga tenüing nung pelaba metetdaksür" ta paisa ashi.

"BJP-i Naga yimjung olemtep takok angutsü aser tekaratiba nung Naga yimten latettsü meranger. ENPO-i benokba onüktem ya shitak dang lir. Onoki parnok den jembitepogo aser khurettem angatetogo. Nagaland nung chief minister Neiphiu Rio lenisüba kübok NDPP-BJP sorkar aküimtsü aser indangji item ajak ya bentettsü" ta Amit Shah-isa metetdaksü.

"Budget talila, council nem tashi talila, kasa terenlok kechisa nungdaker NDPP-BJP sorkari

inyaktüsü" ta paisa shisem.

2022-2023 atema Modi'er sorkari Nagaland nem Rs 4800 crore lezmüksüo, ajisüaka 2009-2010 nung Congress-i Rs 1300 crore dang lezmüksü, ta Union Home Minister-isa ashi.

Pradhan Mantri Garib Kalyan Anna Yojana ajanga Nagaland nung kibong lakh 14 nem jang angati agütsür aser Jal Jeevan Mission ajanga kibong lakh 2.80 ajangzükogo, ta paisa ashi.

Maneni, Ayushman Bharat program ajanga Nagaland nung nisung lakh 3 nem health insurance coverage agütsüo ta Amit Shah-isa shisem.

Ni ENPO lenirtem dang nangzükba ama inyaktüsü aser BJP o NDPP kübok Nagaland maneni renloktsü, ta paisa metetdaksü.

Amit Shah-i asüing Mongulbarnü Tuensang district nung election rally ka nung shilem agütsü.

Nagaland Governor La. Ganesan-i tezüngzüktep agiogo

Dimapur, February 20, 2023 (TYO): Hombarnü taoba Manipur Governor La. Ganesan-i Nagaland Governor inyaktüsü atema tezüngzüktep agiogo.

Kohima, Raj Bhavan nung Gauhati High court, Kohima Bench Judge, Justice Songkhupchung Serto-i Ganesan nem tezüngzüktep agidaksü. Iba sentong nung mendenji Nagaland Chief Secretary, J. Alam, IAS liasü.

Iba sentong nung Nagaland Chief Minister Neiphiu Rio, MLA tem, civil, police aser military

ketdangsurtem aser Nagaland nung civil societies züingsemtem aden.

Raj Bhavan nung Nagaland Police Mahilla (IR) Contingents-i Governor tasen Ganesan nem Rastriya Salute agüja liasü.

La Ganesan ya Nagaland nung Governor 21 buba lir.

Deobarnü Raj Bhavan, Imphal nung ketdangsurtem aser staff-i La. Ganesan den tepila sentong agi.

Iba sentong agiba sülen Ganesan-i pa indang secretariat nung ketdangsurtem aser staff den

sensaksema mapang ka liasü.

Maneni, Manipur Rifles aser India Reserve Battalion ajanga Governor Ganesan nem Guard of Honour agütsü.

Deobarnü Kohima-i aodang Ganesan-i Kangpokpi district kübok Saitu Gamphajol Sub-Divisional headquarters nung anenzük aser iba sülen pai Mao Police Station semdang.

La Ganesan-i August 27, 2021 nung Manipur Governor inyaktüsü tenzük aser July 18, 2022 nung November 17, 2022 tashi West Bengal Governor repsema inyak.

NPF-i tanga party den yariteptsü akok: Dr. Shurhozelle Liezietsu

Yoruba (Phek), February 20, 2023 (TYO): Nagaland State Assembly election magidang tanga political party kecha dena tesentaktep mali saka election agiba sülen taruba sorkar aküimtsü atema tesentaktep ayutsü mulunga lir, ta Naga People's Front (NPF) president Dr. Shurhozelle Liezietsu-i ashi.

Chozuba constituency kübok Yoruba yimtsüing nung coordination meeting ka nung

adenba mapang Dr. Liezietsu-i osangbener den jembidang "NPF-i candidate 22 dang toktepdaksür aser iba ya onoki takok angutsüpur dang repranga shimba lir" ta ashi.

Yaküm NPF MLA 21-i NDPP nung denaka onoki temulung ilaa mebilerem saka taküm election nung akangakanga noktaker menden teimba nung takok angutsü, ta paisa ashi.

Nagaland nung tanga political

party temi Naga nung temeten, putiotsü aser sobaliba indang mejembir. Nagaland nung NPF ya dang regional political party lir aser onok Naga nung putiotsü nung tera yanga lir, ta Dr. Liezietsu-isa metetdaksü.

NPF-i maneni Indo-Naga yimten latettsü atema inyaktüsü aser Naga nung temetenem, sobaliba senmang, nübertem taginüba aser asen tamang kümzuka ayutsü, ta paisa ashi.

RPI(A)-i Nagaland sorkar den yariteptsü: Union MoS Athawale

Kohima, February 20, 2023 (TYO): RPI(A)-i Centre nung NDA den yariteper anungji Nagaland nung taruba BJP-NDPP sorkar den külemi yariteptsü ta Union Minister of State for Social Justice and Empowerment, Ramdas Athawale-i ashi.

Tseminyu A/C nung Republican Party of India-Athawale (RPI-A) indang candidate Loguseng Semp atema nüboyimba sentong tenzüksüidang Athawale-

i "ozü teloki Khristan tamangertem aser aluyimertem atema noktaker" ta ashi.

RPI(A) party tenzüksang Dr B R Ambedkar indang alizüing atema onoki inyaker ta paisa ashi.

"Onoki election magidang BJP aser NDPP den tesentaktep yanglunüba asü saka ibaji makok saka onoki parnok den yariteptsü" ta paisa shisem.

"RPI(A) official candidate Loguseng Semp ajanga Tseminyu

Constituency renlokdaaksütsü aser tejakleni anir aotsü. Loguseng-i takok tulu anguba sülen ni Chief Minister Neiphiu Rio aser Union Minister Amit Shah na dang pa State Cabinet minister kümdaksütsü atema jembitsü" ta Athawale-isa ashi.

2024 elections sülen Modi-i maneni Prime Minister inyaktüsü kechiyong Northeast aser Nagaland dena linük ajungai BJP aser RPI(A) pusemer, ta paisa ashi.

" Na Vote ajendang pei chir nuklai arua ajenang " Anonymous

- Ungma Baptist Arogo Laishir Telongjem Clean Election Tayongzükba

DC & DEO Mkg ajanga postal ballot atema anogo sangdonger



2nd NAP Personnel tem February 20, 2023 nü 2nd NAP HQ Alichen nung postal ballot agütsüdag tangokba noksa nung angur.

Dimapur, Tsüklai/February 20 (TYO): Deputy Commissioner & District Election Officer, Mokochung, Sashank Pratap Singh, IAS ajanga sangdong ka nung, Postal Ballot atema Form 12 meshia alirtem asoshi vote agütsütsü atema anogo yamai lemsatsür, ta ashi.
1. 2nd NAP Personnel tem February 20, 2023 nü 2nd

NAP Camp nung alitsü.
2. Alichen, DEF, Home Guards, Fire Service, NPTO Personnel tem February 21, 2023 nü Town Hall, Mokochung nung alitsü.
3. DC/DEO Staff, Sector Officers, EEM Team tem February 22, 2023 nü Town Hall, Mokochung nung

alitsü.
4. 13th IR Yajang Personnel tem February 22, 2023 nü 13th IR Camp, Yajang nung alitsü.
5. Polling Personnel tem February 23, 2023 nü Town Hall, Mokochung. Vote agütsüba mapang ya anepdang 9:00 ako nungi nikongdang 4:00 ako tashi alitsü.

Immanuel College Dimapur nung election awareness agütsü

Dimapur, Tsüklai/February 20 (TYO): IQAC Immanuel College, Dimapur ajanga Election indang awareness sentong ka February 20, 2023 nü "A vote can be great or it can be a threat" omen nung ajemdaker Immanuel College Auditorium nung ayongzüka liasü.

Election temürek aser timi agitsü atema totuyuba ajak tangatetba tajung nung inyaker aser inyakyim jenti administration aser election machinery kisung nung masü saka vote agütsür dak metaloka lir, ta pai ashi.

asoshi vote agütsütsü temeden lir, ta Jaiswal-i ashi.

Iba sentong nung jembidang Deputy Commissioner, Dimapur, Sachin Jaiswal ajanga ashia agi, state sorkar keddangsur ajak Election Commission of India kübok inyaker.

Pai nüburtem dang yakbangi arua pei democratic temeden amshia vote agütsütsü ayongzüka liasü.

Vote magütsürtemi sorkar inyakyim nung ashishitsü temeden samar, ta pai ashi.

Lanur vote agütsürtem ya vote agütsürtem rongnung tongti lir, shirnok kabo nung pei tarutsü

Pai kaketshir dang iba maongka agia tongtipang shilem ya agitsü ayongzüka liasü.

Iba sentong tenzüka Principal, Immanuel College Th. Shartchandra Singh-i tarur pela agizükba o jembi aser sentong nung Asst. Prof. & Asst. IQAC Coordinator, Serfudin Ali menden liasü.

Terenlok mapa inyaksü asoshi election nung noktaker : Temjenmenba



29th Jangpetkong A/Cung NDPP candidate Temjenmenba Khar yimtak pa election nung toktepba sangdongba sentong temer kelen Changki aser Khar yimsüsürtem den külemi tangokba noksa.

Khar, Tsüklai/February 20(TYO) :29th Jangpetkong Assembly Constituency nung NDPP candidate Temjenmenba Khar yimtak pa election nung toktepba sangdongba sentong agiogo.

election nung noktaker pa adokra politician ka ama masü saka nübur tenzüksü mission mapa inyaksü mangdang lirta shisem. Paisa nüburtemi dang pa yaria adokdaksüra 29th Jangpetkong A/C nung aliba yimtsüngtem nung yimden maparen balala inyaksü asoshi rongsen nungtaker asünung teti asoshi rongsen lenmang kar lapoka ayutsü aser development committee tenteter terenlok maparen inyaksü tebilemba aika lirta shisem.

temelung lemtetba nübu nem shisa kaa nenok senti vote-ji agujangmata NDPP candidate Temjenmenba-i adenshia aliba nüburtem ayongzüka ashi.

29th Jangpetkong Assembly Constituency nung yimtsüng aika lir aser town-a lir, anungji item yimtsüngtem aser town nung terenlok mapa jenti dang inyaksü asoshi kanga dang nungtakerta reprangteta itemji inyaksü asoshi election nung tokteperta NDPP candidate Temjenmenba-i pa election-i aiba nükjidong lemsatep. Temjenmenba-isa pa

Iba sentong Khar Village Council Chairman B.Sashikaba keddangsuba nung agi aser sentong nung Khar Baptist arogo Pastor Lanu-i Tsüngrem temoatsü meshia sarasadema tenzüka den ano Changki Village Council nungi aser Khar Village Council nungi züngsem kakati shilem agia jembia tatem nung Khar Village Council nung Tatar Temjen-i sarasadema iba sentong tembang.

Election nung tokteper candidate ajak pei nükjidong lemsateptsü, item nungjagi nübur aser alima tejakleni anitsü

Dimapur nung mejangjaba tasü mang ka nguteta lir

Dimapur, Tsüklai/February 20 (TYO): Dimapur nung flyover bridge steps tsünglanglen mejangjaba nisung tasü mang (non-local tebur arishi küm 50 shi) ka February 19, 2023 nü nguteta liasü, ta sangdong ka ajanga ashi.

tasü mang ya Dimapur District Hospital nung bener oa lir. Iba nisungba ya long pants sentü tanak, sweater sentü tanak aser tula anü ng sentü semer liasü.

Ozü ng agi melaba maparen ajak tembangba sülen PM examination/jangjatsü asoshi

Kibur/kinunger/tembar temi Officer-in-Charge, East PS Dimapur (Contact no.7085055020) den tongterateptsü metetdaksür, ta sangdong ajangasa ashi.

NDPP candidate T.N. Mannen nübuyima jaja



Dimapur, Tsüklai/February 20 (TYO): 23 Impur (ST) Assembly Constituency nungi NDPP candidate T.N. Mannen-i pa tasoyim Longjang densema tanü nübuyim sentong kar agia jajaogo.

küm 20 dak tema senzüka yutsüba constituency ka lir, ta pai ashi.

Khanimo yimtsüng nungi tenzüka pai Longjang semdang aser iba sülen Longpa, Kubolong aser Chami semdanga liasü.

Pai nüburtem dang clean election yimya amshia par constituency nungi temelenshi tenzükdaksütsü ayongzüka liasü.

Item tesemtem nung pai pa nükla lemsatep aser constituency ajungkettsü asoshi pa indang mangdang lemsatepa liasü, koba

Pai nüburtem dang parnok indang senti vote pa nem agüja pa shimtsü mepishia liasü. Sentong ajak nung Mokochung district nungi NDPP aser BJP keddangsurtem aser NDPP central office nungi lenirtem dena parnokia jembia liasü.

LJP (Ram Vilas) teloki menden 10 bo agitsü: Kitoho S Rotokha

Dimapur, Tsüklai/February 20 (TYO): 5 Ghaspani - II Assembly Constituency nung LJP (Ram Vilas) nungi candidate Kitoho S Rotokha-i aruya aliba election nung takok angutsü temolung lema aliba lemsatep.



Kitoho S Rotokha

Medziphema town nung Hombarnü election nübuyim sentong ka nung jembidang, tan election nung pai vote aika agi takok angutsü, kechiaser pa dak meimer lir aser pa dak tamang akaba nüburtemi pa nem vote agütsütsü, ta Rotokha-i ashi.

Nomination magütsüdag nungi constituency nung nüburtem asoshi inyaka aru aser danga candidate temi tiaziü nangzüker, ta pai ashi.

Rotokha-i nüburtem dang pa nem vote agütsütsü ajungshi aser election ya telemsa adokdaksüba politics ka masü saka ajak ajungtsü atema nüburtem lungjemdaksüba lir, ta ashi.

Pai nüburtem dang pa dak tamang akatsü ajungshi aser yimyak yimtsüng nung alirtem asoshi inyaksü nangzüker.

LJP (Ram Vilas) ajanga pa densema tashi tait candidate tem yoka lir aser parnoki candidate 16 rongnungi menden 10 nungbo takok angutsü, ta pai ashi.

Iba mapa asoshi ni temsüa lir aser constituency nung nüburtemi timtem ajangshibatem kanga junga meteter election nung tokteper, ta Rotokha-isa ashi.

Chumoukedima district nung postal ballot agütsüogo

Dimapur, Tsüklai/February 20 (TYO): Chumoukedima nung Preventive detention aser 7th NAP (IR) D. Coy pur asoshi 14th Nagaland Legislative Assembly Elections 2023 atema Postal Ballot February 20, 2023 nü agüja liasü.

tepuokdak alir nisung aseme par vote agütsü.

Tang mezüngbuba Central Jail, Diphupar, Chumoukedima nung Preventive Detention atema postal ballot mezüngbuba agüja liasü, kong

7th NAP (IR) D. Coy nung nisung 60-i pei vote agüja liasü. Postal Ballot agütsüba ya Sector Magistrate, Y. HutoviChisho, GM DIC aser Videographer, Kavito Swu na tawapangba kübok agia liasü. Iba Postal Ballot ya anepdang 9:00 ako nungi nikongdang 4:00 ako tashi agi aser timtem kecha majurui tembanga liasü.



February 20, 2023 nü Vidhan Bhawan, Lucknow nung Budget senden nung Uttar Pradesh Angh, Anandiben Patel-i House anaprong külem senden nung jembidang tangokba noksa nung angur.

German Chancellor Scholz-i Feb. 25-26 nung India semdangtsü

New Delhi, Tsüklai/February 20 (Agencies): February 25-26 anogotem nung German Chancellor, Olaf Scholz-i India semdangtsü; pai German Chancellor tenangzükba agiba sülen küm ka shi lir tang mezüng pai India semdangtsü.

German chancellor-i India semdangtsü osang metetdakja Hombarnü Indian Ministry of External Affairs (MEA)-i, Scholz den tongti ketdangsertem aser business tsütsü tongti lenirtemi pa meina arutsü, ta metetdaksü.

February 25 nü pa New Delhi tonga aruba sülen February 26 nü Bengaluru-i aotsü, ta MEA sangdong ajangasa metetdaksü.

Ato kilonser, Narendra Modi aser Chancellor Scholz nati linük ana dak sendakba onüktem, regional aser international onüktem nung o lemteptsü.

"Chancellor Scholz-i India semdangba ajanga linük anati 6buba IGC nung agiba teletmetbatem asadangtsü, security aser defence tsütsü amalitepa inyakba tashi itshtsü,

Uddhav Thackeray-i EC teletmetba anema SC nung ken o benoker

New Delhi, February 20 (Agencies): Election Commission (EC)-i Eknath Shinde-i aniba Shiv Sena ang shidakba Shiv Sena lir, ta metetdakja election maitsü "lasang" amshitsü temeden agütsüba sülen anogo ka dang lir Hombarnü Uddhav Thackeray-i aniba Shiv Sena teloki Election Commission teletmetba anema Supreme Court nung ken o benokogo.

Thackeray-i aniba Sena telok tenüng nung senior advocate, Abhishek Manu Singhvi-i iba temepishiba ken oji Chief Justice, DY Chandrachud-i aniba bench matsüngdang benok aser tekaraba nung iba ken o angadangtsü mepishiogo.

Ajisüaka Chief Justice of India-i iba dak sendakba teletmetba magi.

Bench-i, "Temzüngji ajak atema kasa; left, right mesüra center süaka temzüngji ajak atema kasa. Inyakyim shidak bentshia asüng arung," ta metetdaksü.

Hokolbarnü Election Commission-i, Maharashtra Chief Minister, Eknath Shinde-i aniba telokji ang shidakba Shiv Sena lir, ta metetdakja liasü.

Election Commission-isa Uddhav Thackeray-i aniba telok dang assembly by election mapang tashi nung amshia aliba "milen" temaitsü amshiang, ta metetdaksü.

Election Commission-i, 2019 küm Maharashtra Assembly election nung Shinde pusemba MLA temi vote shilem 76 jungnüa ngua liasü aser Shiv Sena candidate 55-i takok angu, ta metetdaksü.

Iba election nungji Uddhav Thackeray-i aniba telok nungi MLA temi vote shilem 23.5 dang angu, ta züngsem asem aliba Election Commission-i metetdaksü.

Hombarnü Uddhav Thackeray-i aniba Shiv Sena telok nung lenir, Sanjay Raut-i, Election Commission-i election maitsü 'lasang' sen agi ayok, ta tai tongloktsüba nungjagi ni masetshir, aser ni mapang tetemsü nung kuli sayutsü, ta metetdaksü.

Amongnü osangbenertem den jembidang Raut-i, Shinde-i aniba telok nem Shiv Sena tenüng agütsü aser election maitsü 'lasang' amshitsü temeden agütsü atema sen crore 2,000 tezüngzüktep agiogo, ta tai tonglokja liasü.

India nunga Bihar densema state 9 'Climate Risk' list nung lir

New Delhi, February 20 (Agencies): Asia nung tzü-mopung aser climate change dak sendakba lendong balala ataloktsüsa aliba region rongnung India nunga Karnataka, Bihar aser Uttar Pradesh state densema state 9 lir, ta Hombarnü climate analysis report ka ajanga metetdaksü.

Company balalai tentetba Cross Dependency Initiative (XDI) teloki 2050 tashi nung alima nung tzü-mopung dak sendakba lendong aser climate change agi kongshitsüsa aliba linük aser province 2,600 dak tema asadanga liasü.

Item tzü-mopung lendong agi kongshitsüsa aliba provinces teimbaka Asia nung lir aser lendong ataloktsüsa aliba region tamajungtiba 50 rongnung India nungia state 9 densema lir. State 9 ji- Bihar (jenjang 22buba), Uttar Pradesh (25), Assam (28), Rajasthan (32), Tamil Nadu (36), Maharashtra (38), Gujarat (48), Punjab (50) aser Kerala (52) state tem lir.

Kasa report ajanga, alima nung tzü-mopung lendong agi kongshitsüsa aliba province 100 lir aser Pakistan nunga Sindh province densema province aika densema lir, ta metetdaksü.

"2022 küm June ita nungi August ita tashi nung tzümetsüng lendong tulu janga Pakistan litsü shilem 30 bo kongshia liasü aser Pakistan kübok Sindh Province nungbo ki 900,000 dak tema raksaa liasü," ta kasa report ajangasa metetdaksü.

Taruba ita Australia Ato kilonser, Albanese-i India semdangtsü

New Delhi, February 20 (Agencies): March ita tetenzüklen Australia Ato kilonser, Anthony Albanese-i India semdangtsü, ta osang ka ajanga metetdaksü.

India aser Australia na tsüngda shishilembaba, investment aser minerals densema lenla aika nung amalitepa inyakba jenjang tajungba akümtsü nükjidong nung pai India semdangtsü.

March 8 nungi Albanese-i India semdangtsü aser Ato kilonser, Narendra Modi tena Ahmedabad-ia oa India aser Australia na tsüngda cricket Test match asayaba reprangtsüa akok.

Fourth Test match ji Ahmedabad nung March 9-13 anogotem nung asayatsü.

Taoba hopta India external affairs minister, S Jaishankar-i Australia semdanga Australia Ato kilonseri India semdangtsü aliba atema sentong yanglua liasü.

Tang tashi nungbo ketdangsertemi official sangdong agüja mali, ajisüaka Jaishankar ajurua senden amenba sülen Australia lenir Albanese-i twitter ajanga pai taruba ita India semdangtsü sentong aliba lemsatepa liasü.

Quad security group kübok India aser Australia na tsüngda security tsütsü tesendaktep tashi itshiba mapang nung Australia Ato kilonseri India semdangtsü.

Quad züngsem linük pezüji India, Australia, US aser Japan lir.

2020 küm June ita nung India aser Australia nati asalentong tsütsü partnership yanglu aser logistics teyari atema linük anaprongla indang military bases amshitsü tezüngzüktep agia liasü.

Taküm Australia nung Malabar naval exercise agitsü; India, Australia, Japan aser US linüktem nungi navy tem külemi iba exercise agitsü.

China-i Indo-Pacific nung ambangyima inyakba mapang nung Australia aser India napronglai Indo-Pacific nung ajak sademsedema inyaksangshitsü atema jembir.

Tesüba küm ishika tsüngda India aser Australia na tsüngda shishilembaba jenjang kanga junga kümogo. Yaküm December ita nungi India-Australia Economic Cooperation and Trade Agreement (ECTA) mapa küma inyakdar.



February 20, 2023 nü Raj Bhawan, Ranchi nung Jharkhand Chief Minister, Hemant Soren-i Jharkhand nung Chief Justice menden atema shima alisang, Justice Sanjaya Kumar Mishra agizükba noksa nung angur.

LANGPANGKONG KAKETSHIR MUNG DANG

CLEAN ELECTION YIMYIM KA AYIMOKTSÜR

Nagaland nung tang agitsü aliba election ajanga Election Commission of India-i latettsüba ozüng aser inyakyim nung ajemdaker, Naga nübor lenitsü asoshi tetemsü nübo shimtsüba mapa nung tashiyim agi masü saka ochishia pei tangatetba nung pei meyongnem tashi amshia senso ajaki shilem tajung agitsü ajangajanga ayimoktsür.

- Langpangkong Kaketshir Mung dang.

Estd. 1948
"Unity"



TIR YIMYIM YIMOBILEM (EDITORIAL)

DIMAPUR SANGTENNÜ, TSÜKLAI(FEBRUARY) 21, 2022

Election terabo temerükba agitsü imlar

Joko 2023 küm Nagaland nung general election agitsü hapta ka dang lir aser yimten, lokti aser arogo ajaki election timi merüka agitsü asoshi kanga meranga inyakba angur. Ajisüaka, ano külen election nung toktepertemi sen agi vote alitsü merangba aser vote agütsü purtemia pei vote sen yong ayoktsü merangba osang angashir. Aji oda, külen pei lima aser lanu putu meimertemi election merüka agitsü merangdang, ano külen election agi bazaar ama kümer kari vote ayoker aser kari alir ta shishilembatepba osang angashidang aser angudang kanga tezüdanga bilemer. Kodang iba tensa tiaji bilemdangdir, election merüka agitsü merangertemi election nung toktepertem sen meindoki toktepdaktsüner aser vote ayokertemi election nung toktepertem sensak tia dang nungi tamajungbai idaktsütsü meranger ta atsüteper amai angatetter, anungji election nung tokepertemi koba telok pu semdir, iba telok jagi akoktsü. Aji oda, ochiba election (Clean election) asoshi nokdakertemi candidate-tem yarir aser pei vote sen yong ayokertemi candidate-tem anema inyaker ta angatet nung junger. Ajisüaka, ajak asoshi tia maka, tanü asen lima nung election nung toktepertemi ochiba election asoshi nokdakertem den adener masü saka sen agi vote ayoktsü purtem tsütsüang tejak tashiba shitsüba agi, election ya pei lima aser pei nübortem asoshi tajung inyaktsütsüba sentongtem indang jembiba mapang masü saka vote agi bazaar oset kümer jenjang ataka shishilembaba mapa aser mapang-ang ka kümogo. Iba jagi election nung toktepertembo akümüli nung sentsüa maomatsüsa tsülöker aser külen vote ayokertem jenjangbo vote ayokba sen agi kecha balaka makümer, idangji asen lima agi asenok nümamedangtetsüsa telongi aluba asenoki meteter. Iba ama election agi bazaar kümer asenok vote yoktepba tialong nung tila tanurtemi tsüraburtem dang ochishia election nung shilem agitsü ayimtenba asenoki angashir, sentep kidang Tsüngrem o jembirtemi tejembi shia election nung ochishia shilem agitsü indang jembir aser lokti tentet aser arogotemi ochiba election asoshi maneni ola adoker. Ano külen, government tsütsüa yimten aser lokti tentet kechaia senso ka election nung tokteptsü aser senso kati pei mulungba candidate nem vote agütsütsü temeten anema meinyaktsü aser menokdangtsü asoshi ozüng takang nenshipet nenshia metetdaktsüba angur. Atangji, alima nung takok tokteper asünungji, tangatetba tajung malirtemibo takokji sen agi alitsü mesüra tashiyim agi angutsü merangtsü. Ibaji kodang bilemdangdir, sen aser tashiyim agi takok angutsü merangba shisatsü aser nükjidongji pei lima aser pei nübortem meimba shisatsü aser nükjidongbo masütsü. Election nung sen endokba ya shibai kong nungi bener aruba sen endoker ta kodang bushidangdir, atangji, election nung vote aliba senji teimbaka mapa inyaker anguba sen masü, mapa meinyak ser anguba sen asütsü. Iba jagi mapayui endoker aser adokra ano mapa meinyaki akok tashi senotsü bendentsü aser ano electioni aitsü ta asen lima nung election-i aiba ya pei atema mapa meinyaki sen bushiba drama amaika kümogo. Iba jagi asenok tang tashi auyi ponga jajar aser asen chirnurtema parnoksa parnok kolok agi tagitsü kabo apiteta inyaktsütsü kaketshisatsü tajung mangur. Asenok asoshi election ka aruli yi jemer teimba kümli, election ka aruli drugs achir teimba kümli ta asüba tia ya mangu aser memetet amai yutsütsüla tensa tia ka masü. Iba tia nungi lanurtem kümzüksü asoshi mozü tajungtibaji ochiba election lir. Atangji, kari pei vote ayokyonga ano mayokertema aika lir. Kasaji kari tashiyim agi akoktsü bilemyonga, ano aikati sarasadema election nung shilem agitsü bilemer. Yim kar nungbo vote alitsü atema kibong shia sen meyirijang metsü-semem lema aruba magizükba otsüa lir. Ano, tesem kar nungbo nübortemi candidate nemang süngotsü aser senotsü teyari agütsüba otsü lir. Ano, taküm election nungbo azü tokshia raratepba aser nisung pua bener aoba osang tamajung kangabo mangashir. Iba jagi tamajunger aliyongbo, ano tajungertema lirji, akhi election dang nungi tang election ya temerükba aser tesüngjemba agitsü imlar. Iba amaji asen lima ya tanemi tanemi merükteta aotsüsa asenok ajaki tezümedangi Ochiba election asoshi nokdakdi.

OLEMSABANG



AO BAPTIST AROGO MUNG DANG (ABAM)

IMPUR-798615, MOKOKCHUNG, NAGALAND: INDIA

E-mail: abamimpur7@yahoo.co.in

Website: www.abamimpur.org

METETDAKTSÜR

Temeim Khrista nung külem tenzükertem aser Arogo nung züngsem tajungtem,

Tamasa Yisu Khrista temeim salem ajak den lemsateper. Khrista dak amangertemaser Arogo nung züngsem ajak atema Temeshi Laishiba aser Osangtajung Ken kaket ya tongtipang lir ta tangatetba nung Mungdangi akok tashi nungdakperidaktsütsü nükjidong nung inyaktsü merangdar. Iba den sendakba tongtipang kar yamai metetdaktsür:

1. **Temeshi Lai Ola nung (Audio Bible):**IbaiLaishiba ajunga Ola adoka azüngba angatsü jenjang nung adoka lir. Tantsür-Tamburtem azüngtsü nung tashi mait akümdang iba nungi kibong tekülem nung aser kija alidang angatsü tajung. Iba den ainlen(Journey)jajartem asoshiapeigari nung anga nung teyarianguba ka lir. Asenoki mobile phone bener senzüba amai asenok aolen ajak nung bener aotsü akokba den külemi tesangwa (light)maliba mapang anü (solar) tashi ajanga iba ya charge asütsü koka lir.Audio Bible ka nung jenjang ?1000 alitsü.
2. **Temeshi Lai (Enlarged Bible):**Iba yaABAM SQC nungtem nung adokba lir. Tanga (normal size) dang nungi tuluba aser zülujanga tuluba nung adoka lir. Kibong shiai pei common room nung mesüra mejangba taktang nung yura, mela mela züngtetsü. Ano ner kidang ayuba dak alaka tangar nem senmpet amai alia agütsü nung temoatsü asütsü.Temeshi Lai (Enlarged Bible) ka nung jenjang ? 3000 alitsü.
3. **Temeshi Lai (Leather Bound)** Temeshi Lai (Ao/CL)koba asenoki teti amshia arur idaki melenshitsü tajitetbatem takok tashi melenshir (zülumen nung masü) adokba lir.Temeshi Lai (Leather Bound) ka nung jenjang ? 650 alitsü.
4. **Osangtajung Kenkaketa nung jenjang Rs. 250 alitsü.** Office mapang nung Mr.S.Meren Lkr (8731049317), Mr. Imsen Jamir (7085676239) aser Dr. Moanungsang (9862272186) teyari agitsü mepishir.

Kibuba wadang nung tenzöker,

Dr. Moanungsang

Secretary

Literature & Education

CLEAN ELECTION YA KECHI NUNG ATEMTSÜ TA NIBO PANGKASETER

~ L. Imli Imsong Tatar

NBCC aser ABAM-I Clean Election atema nüpudok aser sarasadem ajanga ayongzükba ya kechi akümtsü ta süngmanger. Ni shinga aser kecha partyi-a nungita mali ta tamasa Tsüngrem tenung nung zülur

Ni asen Tsüngrem Khrista dak amanger asü nung ni shinubaji aika liaka tongtibang kar shiner. Nia BJP teloktetep nung dena tantsü tampo ka ama lia arur asenok Hindu dak mangmangertemba ya no? ta zülur.

1. Ni amar mesura 2000 sülen Gujarat nung Yisu dak amangertem rishikangshi aser tepseta kanga benshi (Modi-I anir) Dec 23 nu menoknok agi nisung merijang aika asü ato.
2. Graham Staines Australia nung par kibong ajak mi agi rongseta sudaktsüba Dara Singh tatema makai tepukda ayu atu.
3. Mahatma Gandhi ya Hindu nung aser pa-a par Tsüngrem külemtsü aodang Godse-i pa kasettsü. Godse-i Ni pa kasetba atema kanga pelar kechiyong pai Hindu, Muslim, Christian aser tanga ajak kasa ta ashiba aki tepset aser ni pelar.
3. Yaküm küm RSS Tongtiba Zünhebot town-i aruba ya kechiba ta bilemdang nung tenlaki tepur tajungtiba ta angazüker arua semdang aser NAMASTI agütsür ao. Iba sülenbo asenok tamanger (yisu dak) reshikangshia tenlaki rongdoktsüba pei kidang aser yimdak nungi aridoker pei kidang lia aliba marudaktsür.
4. Tang tawa tanu adalokba paper aser osang nung angazükba naia ngur alitsü Bihar nung Chief Minister-a Hindu nung atu aji dang masü danga state aika nung Chief Minister temji Hindu nung tanga tu, Indiaji secular state ta temzüng nung zülua lir sernung talila mejaker.
5. Tezülutsü aser tashitsübo aika liaka mezülutsümatsü. Ajak dak alaka ni shinubaji ya dang shiba sudir suang kechi party nungi sudir suang nibo tsükjiteba mali ta ashir.
6. Kanga temelong shiranga aser mamar-a Naga lima Yisu Khrista alimai arur küm 150 jongmong amongtsü sendongtem alimai meteta liasü atu. Saka koda iba anogo kasa nungji India president arutsü liasü aser Kohima nung alirtem tang masü District ajak nungi head of the department ajonga arongto. Hai Neiphu-Rio aser tangbaibo alliance party ta ashir Kiburi ni ajida süsür mesura aji tah suang tah ashidang shiba kilirjipo ma- a ni ta ashir.

Hai sen penbura majongtsü meromura lira majongtsü.

Anungji pei sasa metetsü tim kechiyong asen ajonglen leyonga aotsüba tasak.


**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger angateta agitsü mepishir**

ABAM-i Mokokchung district nung Police check gates semdang



Mokokchung, February 20 (TYO): Alima aser nüburtum kümzüka ayutsü asoshi taküm bendanga agüja amang agi sangwa kümer mitkartemi inyakba ya kanga tongtibang, ta angateta ABAM ajanga February 17 & 18, 2023 anogotem nung Mokokchung District nung tongti gate asem- Tzütapela, Watiyongpang aser Alichen nung sarasadem agüja semdangogo, ta ABAM Executive Secretary, Rev. Dr. Mar Pongener-i sangdong ka ajanga metetdaksü. Taruba 14buba Nagaland Legislative Assembly election mapang nung temesepba chiyungtsü shibelenba nokdangba ajanga kija aser kibong aika tashitak aser rarabangsen lendong nungi kümzüksü alinung maneni meranga inyaksü ajungshitepa liasü. Tanü nübör ajaki ayimtenba ola angashia ozüng akaba teloki alima kümzüka ayutsü asoshi taküm rangben bendanga agütsüba asoshi ABAM ajanga pelaba den Tsüngrem nungi tashi meshia sarasademtsür, ta kasa sangdong ajanga lemsatsep.

Tayimtsü tilaka tsükokba lendong nung missionary asem asü



Missionary James DeHart aser pa kinüngtsü, Bonnie DeHart na noksa nung angur.

February 20, 2023: Tan hopta Evangelical missionary asem San Francisco nungi tayimtsü ka nung apusoba sülen mapang tatsüka tsüingda tayimtsüji alu ka nung tsükok aser tayimtsü nungjagi mi adoka par asemprongla iba lendong nungji süogo. Missionary asemji San Francisco nung aliba hospital ka nung temeim mapa inyakba sülen Guatemala City, South America-i aoba mapang iba lendong atalok. Iba lendong nung asür America nung missionary asemji- pilot James DeHart (64), Bonnie DeHart (64) aser arrshi küm 66, Helen Shawn Coon nung liasü. James aser Bonnie nabo apuani aser tenaprongla New Generation Ministry Arogo

nungi lir. Arogoi parnok nem akhüm agüja social media ajanga, "America nung missionary apuani James DeHart aser Bonnie DeHart na tanep San Francisco, Peten nung tayimtsü lendong nung süogo. Asürtem tanela tesünep nung anisüngzüksü sarasademtsür," ta lemsatsep. "Tena non-denominational Organizacion Cristiana Evangelica (Evangelical Christian Organisation) nungi liasü. OCE-i alima tesem balala nung shi aser tanela tsütsü nungdakba teyari balala agütsür," ta Arogoi metetdaksü. "Tesüiba küm aika missionary temi Yisu Khrista ajanga Tsüngrem temeim lemsateptsü nükjidong nung rara agi kongshirtem, sensakertem, alima lendong balala agi kongshirtem aser ayawara aliba tesemtem nung nungdakbapurttem yaria arudar," ta Arogoi metetdaksü. February 13 nü missionary asemji San Francisco nungi tayimtsü nung apusoba sülen mapang tatsüka tsüingda tayimtsüji tsükoka tayimtsü nungjagi mi adok.

Middle East nung Arogo lenirtemi longjemtsü atema bangjem

February 20, 2023: Middle East nung aliba Catholic Arogotem synod senden aliba mapang nung Arogotem ano taliba longjemshitsü atema bangjemogo. Egypt, Syria, Jordan, Israel, Iraq, Lebanon aser Persian Gulf states nung Arogo lenirtem February 13-17 anogotem nung senden ayongzüka agi. Lebanon yimtiba, Beirut nung senden tembangba sülen Arogo lenirtemi sangdong ka ajanga, Middle East nung Arogotem longjemtsü atema telemteba agi. February 6 nü Turkey aser

Syria na nung 7.8-magnitude nung menoknok anokba sülen tang tashi kümzüka maparen agidar. South-eastern Turkey aser northern Syria nung iba lendong nung tang tashi nung nisung 45,000 dak tema asüba jangjaogo. "Anungji senden nung shilem agirtemi iba lendong nung asürtem nem akhüm agütsü aser takoksa angutsü, yirua alirtem aser tesem balala nung prokshia alirtem nem sarasademtsüogo," ta Arogo lenirtemi metetdaksü. Region nung Arogo tenet

ANO GO ABEN TSÜNGREM DEN

Tejaokba ka - T. Ken 66:1-7

Tenüngsang ken 66 nung tejaokba kar lir item "arung" ta asüba nung sendaktepa lir. " arung aser ken tenang", "arung aser ajiang", "aser arung aser angang". Mezüng tejaokba anaji reprangdangdi. Mezüngbuba nung tejaokbaji arung aser ken tenang. "Pa tenüng sentsüwangshi ken tenang"(t.2). Ken ken tenang asangbaji talaktsü ka amai asenoki bilemer. Ken ken asenoki azümesen yimya nung Pa tushir. Saka ken züluri sentsüwangshia tushitsü ashir. Kechiba? " ne mapatem koda tetsübuttsü, ta Tsüngrem dang shiang. Ne ain uluba ajanga ne tsükchirtemi peisasa ne dang azüzüksü. Alima ajaki na külemtsü, aser ne dang ken atentsü"(t.3,4). Ibai missionary tejangraba ka lir. Asenoksasa asenok Kibuba asangtsüba masü. Asenok aru aser ken aten, aser alima ajak asenok den atentsü asenok jaoker. Tanabuba tejaokbaji arung aser Tsüngrem mapa ajiang. Tanü meimchiri Tsüngrem mapatem dangji yimya ozüng mesüra scientifico ozüng ta ajar. Asenoki rasaa ashitsü meranger, saka meshiteter. Arung aser Tsüngrem mapatem ajiang-kotak nung kechi ataloker, ne temang nung kechi ataloker aser otsü nung kechi ataloker. Ibai Tsüngrem mapa lir. " Pai pei tashi agi yimsü asür" (t.7). Satani iba lima yimya (system) nung yimsü masür- Tsüngrem lir. Pai satan dang langka kar inyaksü melar, saka ibajia Pa sentsüwangshi asoshi amshir. Tsüngremi Pa tashi agi yimsü asür, aser Pai teti yimsü asütsü. Nai tanü pelaa linera, arung aser ken tenang. Na ne ken samar lira, arung aser Tsüngrem mapatem ajiang. Talangka meli-i na ken tena alitsü. Na tenüngsangken samaa lir asü? Arung aser Tsüngrem mapatem ajiang; iba yagi ne ken meyipa agütsütsü. Pa mapatem agi Pa uluba aser temeim jungkai adoktsür. Na Kibuba den jaja lira Kibuba tushiang aser tangar dang Pai ne taküm nung kechi inyak aji shiang.

**OFFICE OF THE
AO THEOLOGICAL ASSOCIATION
IMPUR: MOKOKCHUNG, NAGALAND**

TAYONGZÜKBA

Ao Theological Association-i tang asen Naga Lima nung aruya aliba Election nung kanga dang sarasadema Tsüngrem tsüba shilem agidaksüner. Asenok Khristan taküm kati asen temeden vote sen yong yoka mechili. Ano asenoki iba election nung ochi nung shilem agiba ajanga asen lima, lokti, Arogo, kibong aser kija taküm temelenshi tulu nung tejakleni aotsü mangdang tulu yudi. Iba election ya ajak asoshi tekümdangtsü ka lir! Asenok ajaki Tsüngrem temeshi O aser Tsüngrem nem asenoki akhüm agüja Tushiba O tem mashi mamshitsüla, kechiaser iba jagi asen Tsüngrem mezüngmeshir aser asenoki Pa atalatsür. Na aser ni shiba pei sasa meteta asen taküm ya kanga senti ta angateta asenoki asen teyanglur Tsüngrem Akhümtsübudi. Iba 2023 election nung Tsüngremi asenok ajak den jembiang aser sayatenya ka yokang ta takhangba sarasadem südi, ta Ao Theological Association ajanga ayongzüker.

**Sd/-
Ao Theological Association**

AO OSHI ANGAZÜKDAK:
TANÜ ANGAZÜKTSÜBA OJANG



Ozük

(v) seret nung odanger agütsütsü (weighed)
* Dokan kiburi ozü tsüda jang **ozüka** agütsü.

Ozükümer

(n) ozü aputsü sang soa ayur (bird traper)
* **Ozükümeri** ayongbanglen sang soa yutsü.

OLONG PAITEP # 6435

1						2				3
								4		
5		6				7				
8										9
								10		
				11		12				
		13								
14						15				
				16						

TIPLÉN

- 1. O jembitsü tashi - 8
- 5. Süngjang tapu ka - 5
- 7. Tekanük nung enokba - 5
- 8. Teka amtep - 5
- 12. Tzük asendak - 5
- 14. Tsünpang tema aliba - 5
- 15. Ken atenba yimya - 5
- 16. Asangur - 8

LANGTSÜNGLEN

- 1. Tepok telung nung shilem ka - 7
- 2. Tamajung aküm - 5
- 3. Chi den külemi achiba - 3
- 4. Meimchir alimai aruba - 3
- 6. Laishiba nung ayong ka - 4
- 9. Tarutsü nükla - 7
- 10. Tamendakdak/Nükjiong - 4
- 11. Tenük-telen mejungi aküm - 5
- 13. Terok nungi adokba - 3
- 14. Meimchir telemasa - 3

OLONG PAITEP # 6434 TELANGZÜBA


TIPLÉN :

- 1. Taa, 3. Teküm, 6. Aibelen, 7. Aut,
- 9. Ajizük, 10. Ojala, 11. Semer,
- 13. Sen, 15. Kioktsü, 17. Itsük, 18. Kar.

LANGTSÜNGLEN :

- 1. Tai, 2. Asensor, 3. Tanü, 4. Kua,
- 5. Mitsütsü, 6. Azübenshi, 8. Lah,
- 9. Jangkok, 12. Akok, 14. Nashi, 16. Sür.

Agüja aliba noksa nung meputepi
aliba 10 bushiang



Tanur asoba anogo nung salem osang den noksa angati adokdaksünüra - Tenüng, Küm, School, Talidak & salem osang tejanga zülur, noksa (photograph - any size) ka den anogo 3 mesüra 4 jella e-mail : tiryimyim@gmail.com nung yokang mesüra Tir Yimyim bureau tem nung agüjang.

- 1. Tenüng :
- 2. Tasoba anogo:
- 3. Küm : 4. Class :
- 5. School :
- 6. Talidak :
- 7. Salem osang :

Tepela Tasoba Anogo



Assam Governor Jagdish Mukhi den tepila sentong agi



Guwahati, February 20, 2023 (Agencies): Assam Raj Bhavan ktdangsurtem aser staff-i Deobarnü taoba Assam Governor Jagdish Mukhi aser pa kinungtsü Prem Mukhi na den tepila sentong agi.

Rajasthan Assembly nung Leader of Opposition Gulab Chand Kataria-i Mukhi melenzüktsü aser Kataria-i February 22 nü tezüngzüktep agitsü akok.

Assam nung alirtem aser Raj Bhavan nung inyakertemi pa den yaritepba atema pelar ta Mukhi-i ashi.

Assam nungeri yaritepba aser Chief Minister Himanta Biswa Sarma lenisüba ajanga Assam temabai jenzangi atutsü ta pai ashi.

"Küm pungu tema tobur tajung Assam state nung Governor inyakba ya maongka ka lir. Asenok

külemi yaritepba ajanga mapatem inyaktetba atema pelar aser Assam maneni tejakleni aotsü amanger" ta Mukhi-isa ashi.

Mukhi-i October 10, 2017 nü Assam Governor inyaktsü tenzük aser Deobarnü state toktür ogo.

Lokpriya Gopinath Bordoloi International Airport nung state sorkari pa den farewell sentong ka agia liasü.

Tinsukia nung ULFA-I telungpurtemi civilian 3 khaset

Dibrugarh, February 20, 2023 (Agencies): Assam kübok Tinsukia district nung United Liberation Front of Asom-Independent (ULFA-I) telungpurtem ta temulung melemi bilemertemi civilian 3 khaset.

Iba lendong ya Assam-Arunachal arrtsü anasa Ledo

kübok Tamolbari nung atalok.

February 8 aonung sepaitemi Ulfa(I) field commander Uday Asom tepsetba tayang küpzüka Ulfa(I)-i iba ya inyak ta temulung melemi bilemer.

Iba tatalokba sülen sepaitemi Ulfa(I) telungpurtem aputsü atema bushitep tenzükogo.

Ulfa(I) telungpurtemi Myanmar nungi arem-min ajanga Assam-i miima arur aser parnok mapa inyakba sülen kasa tesem ajanga jena aoer ta osang ajanga ashi.

Ajisüaka tang tashi nung ULFA-I-i iba tatalokba atema tenüng agia sangdong kecha magütsü lir.

Kalita tebuti la khasetang ta ktdangsurtem dang ashi



Guwahati, February 20, 2023 (Agencies): Guwahati kübok Noonmati nung nisung tepsetba ken o nung Vandana Kalita dak tongti süa tai tonglokja lir aser la tebuti ktdangsurtem dang lar jala khasetang ta shiogo.

Vandana Kalita-i la kinungbo aser tenüna tepsetba putetra la khasetang ta tebuti ashi.

"Lai nisung tepset süra laa khasetang. Ni iba ama jala maginür" ta pai ashi.

Vandana-i pa den osang kecha melemsatep aser la kinungbo o tenü na samaba indangjia mashi ta paisa shisem.

"Lai kü dang kecha masü. Tena samaba mesüra FIR

agütsüba kecha melemsatep. Lai teti lar kibong junga dang lir ta dang shiyonga aru" ta Vandana tebutisa ashi.

Assam police-i Vandana kinungbo aser la tenü na indang tasümantem ngutetogo. Tasümantem ana ya lepsar liasü.

Vandana-i Meghalaya kübok Sohra (Cherrapunji) nung tasümantemji yutsü.

Vandana aser la tetong nati tasümantem lepsar Sohra (Cherrapunji) nung oa endok aser iba tesem jagi Vandana-i Assam police telok anir oa sayu.

Vandana-i tamasa la kinungbo aser pa tetsü na tepset aser iba sülen tena indang mang lepsar refrigerator nung enoka ayu.

Tena tepsetba sülen anogo asemnü lir tasümantem lepsabatemji Meghalaya kübok Sohra nung oa endok.

Vandana-i pa tetong aser ano medemer ka den iba tasa atonger inyak.

Vandana-i tena den külemi la kinungbo Amarjyoti Dey aser tetsü Shankari Dey na tepset.

Vandana den yariteper nisung anaji Arup Deka aser Dhanjit Deka na ta jangjaogo.

Jabaso o tetsü na samaba ken o ya yaküm August nung benoka liasü aser ita tenet shi süir külen February 19, 2023 nü tena tepsetba ya temai adok.

Vandana Kalita-i iba mapa inyakba nangzükogo ta Assam Police-i ashi.

Brazil tzümetsüng aser anentsü nung nisung jenti asü

Sao Paulo, Tsüklai/February 20 (Agencies): Brazil southeast tsütsü tzükum anasa tzüinglu kanga sashia aruba ajanga tzümetsüng adoka aser anentsü alua nisung 36 asü aser ano noklang aika tesem balalai prokshia ao.

Sao Paulo state kübok Sao Sebastiao jila nung Deobarnü atalokba indang television aser social media nung video prokshiba nung kiyong ajunga tziü agi metsüngbanger liasü, tenemtsüng nung aliba ki anenzüka oa molushi agi sünger, highway nung tziü atsünga aliba aser süngdong laoba ajanga gari tem raksatsü aliba nguogo.

Iba jila ya Sao Paulo yimti nungi north tsütsü mile 124 pilar lir aser Khristanpur asoshi Lent benjong anasa linük yimtiba nungi nüburtem iba tesem nung arua amunger aser yangi tesashiba kongshi, kong tzüinglu ya ghonda 24 tsüngta 600mm arua liasü, ta ketdangsur temi ashir.

Sao Paulo state sorkar ajanga sangdong ka nung ashiba

agi, San Sebastiao nung nisung 35 asü. Anasa aliba Ubatuba jila nunga arishi küm tenet tanur tetsür ka asü, ta osang ajanga ashir.

Tzükum anasa jila pongu nung Sao Paulo state Governor Tarcisio de Freitas-i state of emergency sangdonga liasü.

Nisung 566 tesem balala nung prokshia lir mesüra talidak ki maka kumdaktsü, ta par sorkari ashi. Sao Sebastiao, Ubatuba, Ilhabela aser Bertioaga nung carnival sentong tem thiogo.

"Tesem karibo tekumzükertem moteter; tensa kanga mejungi lir," ta Sao Sebastiao indang mayor Felipe Augusto-i ashi.

"Tziü yimzuka aludang laodaktsüba ki 50 jungnüa nung onok mapa inyaker aser yangi nisung rema lir," ta pai ashi.

Iba tesem nung firefighter 100 dak tema arua mapa inyaker aser helicopter temi yariteper ta ashir.

Molushi nungi arishi küm ana tanur tebur ka kumzük aser ano tetsür ka tanur soa aliba aja

kumzük.

Sao Paulo nung tzükumlen tzüinglu maneni sashia arutsü sayur, anungji tekumzükba mapa inyaker asoshi tetsükdaktsü ajurutsü aser asür timba akumtsü südi ta amanger.

Federal government ajanga timtem ajurur alirtem yaritsü, ki-o-jen yanglushitsü aser kisü-jensü mapa tenzüktsü atema ministry balala yoka lir.

South America nung rongnendak tesem tulutiba, Santos nung inyaksangshi nung timtem alua liasü, kong Honibarnü mopung ya ghonda ka nung kilometre 55 dak tema aoner aser tziüsem ya metre ka dak talangba adoka liasü.

Brazil Tir Luiz Inacio Lula da Silva-i iba tesem ya Hombarnü semdangtsü, ta pa indang social media account nung ashi.

Yirur alirtem anepalutsü, samar alirtem bushitsü aser lenmang, energy asr telecommunications yanglushitsü atema sorkari ajaklen inyaktsü, ta Lula-i ashi.

Joe Biden-i osang mesangdongi Kyiv semdang

Kyiv, Tsüklai/February 20 (Agencies): Russia-i Ukraine amak tenzükür küm ka ajungtsü anogo ishika lia United States Tir Joe Biden osang mesangdongti Kyiv tonga arua lir.

Russia Tir Vladimir Putin-i par sepai dang kidanger linük amaktsü February 24, 2022 nung totuyuba agütsüba sülen Biden-i Hombarnü Ukraine semdangba ya mezüngbuba alitsü.

Biden-i Ukraine Tir Volodymyr Zelenskyy ajurutsü aser Ukraine indang democracy, sovereignty aser territorial integrity asoshi masetshi nokdaka aliba akhangshitsü asoshi Kyiv-i aru, ta ashi.

"Küm ka shi tejdakdang Putin-i iba linük amakdang pai Ukraine ya tashi mait aser antiölen linüktem telemsa adoka lir ta bilem. Pai asenok madak takok angutsü ta bilem. Saka pa khenyongi tai," ta Biden-i ashi.

"Russia indang war machine süngtsütsü mesüra yaritsü merangba elites aser company tem asoshi onoki hopta tatemlen tenokdangba talila sangdongtsü," ta ashi.

US-i Ukraine nem sen million \$500 jenjang teyari talila

agütsüsemtsü aser yangi prangbong tulu indang injang, anti-armour system aser air surveillance radar tem densema lir, ta Biden-i ashi.

Kyiv densema Ukraine tesem ajungalen tayimtsü amshia amakba osang sangdongba mapang Biden-i iba linük semdang.

2022 küm December ita Zelenskyy-i Washington, DC semdang aser US Congress nung jembia liasü, koba rara tenzükür pa bendang limai aoba mezüngbuba alitsü.

Biden-i linük semdangba ya Ukraine nunger ajunga busemba temaitsü kangasa tongtipang ka lir, ta Zelenskyy-i Telegram nung zülutsü.

Biden tena 'long range weapons' aser taoba mapang Ukraine nem magütsüba hadir tem yoktsü indang jembia, ta Ukraine tiri ashi. Ajisüka pai jembishinü tasen kecha mashi.

Biden-i Ukraine semdangba ajanga Russia-i amakdang tesama agütsüba tejangja tenük agi angutsü maongka agütsür. Ukraine sepai aser civilian meyirijang aika tepsetogo aser nisung million aika Poland aser Europe tesem balala nung jenoka lir.

Ajisüka Russian political scientist aser taoba mapang Tir Vladimir Putin indang odongtar inyaka alisang Sergei Markov-i ashiba agi, Biden nem timtem magütsütsü ta Moscow-i kuli agütsü.

"Pai semdangba mapang rocket mesüra tayimtsü amshia mamaktsü ta Vladimir Putin nungi kuli agütsüba sülen Joe Biden ya Kyiv-i aru," ta pai ashi.

Biden-i iba linük semdangba mapang ya kanga tongtipang lir, kechiaser Putin-i linük den jembitsü renemba mapang aser rara tenzükür Hokulbarnü küm ka ajungtsü anasa arur, ta Markov-i ashi.

Iba yagi par linük yimtenren tsütsü Biden kanga ajanzüktsü, ta pai ashi.

US nung Democratic party telungzük nung lenirtemi Biden ya tir inyaktsü asoshi temang aser tekolok shisatsü agi metemtsü ta amanger, aser tang pa iba linüki aruba ya par political opponents asoshi takok tulu lir, ta ashi.

Taoba küm German Chancellor Olaf Scholtz, France Tir Emmanuel Macron aser UK Ato Kilonser Rishi Sunak densema antiölen linük lenirtemi Kyiv semdangba lir.



Feb. 20, 2023 : Cyclone Gabrielle ajanga Napier, New Zealand nung janatem tzükum anasai pongteta alidak nisung ka jaja aoba noksa nung angur. Iba cyclone yagi New Zealand nung February 13 nü kongshia teraksa bener arutsüba ya 1988 küm Cyclone Bola den medemdang. Iba yipru ya nisung million 5 aliba linük nung kongshiba yipru tem rongnung tesashitaba liasü.

Menungra Bilemteter



Asür ALIKALA

Temeim oja, nai onok toktsür orr küm ka ajungdang tanü onoki na menungra bilemteter. Na mali küm ka süidema aruaka ne temeim to anogo kata methitemi onok mulungjang nung alenoka lirgo, ne temeim shisatsü tajung to agi teti onok nüka liangma.

Temeim salema oja.

- Chirnur aser kinungertem.

SÜR KÜM KA AJUNGER



Asür Mrs. R. AMONGLA WALLING

Nai 21-02-2022 anogo nung onok yutsür orr küm ka jungogo aser na mebileteti anogo kata mesür. Onoki na kanga menungrar saka na tajung Tsüngrem den kotak nung lir ta amanga onok mulung anisüngzükür.

-Temeim kinungbo, chirnur, semchir aser kinungertem

SANGDONGER

Jangpetkong Kaketshir Telungjem Mungdang, Planning Cum Fund Raising Committee, Raffle Draw 25th February 2023, anogo nung asayatsü aliba Nagaland Legislative Assembly general election aliba ajanga 22nd April 2023 nü agitsü postpone asür.



**OFFICE OF THE
BHARATIYA JANATA PARTY
MOAYIMTI UNIT
30th Alongtaki Mandal**

Ref No..... Date: 12/02/2023

To
The President,
Bharatiya Janata Party,
Moayimti Unit (Under 30th Alongtaki A/C)

Sub : Resignation and declaration

Sir,
We the under mentioned BJP Party works of Moayimti Unit under 30th Alongtaki A/C have stood firmly with our Ho'ble Minister and party leaders for the last five years.
However, there are many instances of differences in the policies and functioning of the party within the grassroots, we have therefore lost our confidence to work and continue in the party.
Therefore, we the following members unanimously decided to resign both from our position and active membership and declare henceforth.

Sl No	Name	Designation	Signature
1	Limanungsang	Secretary	
2	Imnaakum	Executive	
3	Sangyung	Executive	
4	Lanutoshi	Executive	
5	Sapangsungla	President (Mahila)	
6	Lanuyangla	Secretary (Mahila)	
7	Imtingangla	Executive (Mahila)	

Phogat, Punia nungeri Ibrahim-Moustafa asayamung nung shilem magitsü lemtet

New Delhi, Tsüklai/February 20 (Agencies): Vinesh Phogat aser Bajrang Punia nunger amala India nunger rongnungi temaba jenjang nung asayaba wrestler temi maneni asayamung tulu nung shilem magitsü asoshi telemtetba agia arudar aser taruba 2buba Ranking Series Ibrahim-Moustafa asayamung nunga shilem magitsü telemtetba agiogo.

Iba ita tang agi tanabenbuba Vinesh, Bajrang, Ravi Dahiya, Deepak Punia, Anshu Malik, Sangeeta Phogat aser Sangita Mor nungeri asayamung tongtibangtem nung shilem magitsü lemtetogo. Ibrahim-Moustafa asayamung ya February 23 nungi 26 tashi Alexandria, Egypt nung asayatsü.

Item wrestler tem yagi parnok asayamung nung tokteptsü atema renema mali ta shia Zagreb Open nung shilem magitsü telemtetba agia liasü.

Mary Kom-i aniba oversight committee kati WFI inyakym achaayangdar aser iba

committee yagi taruba asayamung nung shilem agitsü atema asayar 27 tenung sangdongogo.

Iba asayamung ya Senior Asian Championships 2023 aser Senior World Championships 2023 nung seed tajung angutsü atema ranking points bendentsü asoshi kanga tongtibang asütsü.

India team nung freestyle teku, tetsür ti aser greco-roman wrestlers 10 den coach aser support staff 16 densema lir.

Wrestlers 27 rongnung Target Olympics Podium Scheme (TOPS) nung züngoksema aliba wrestler Ashu (67kg GR), Bhateri (65kg women) aser Sujeet (65kg FS) nunger densema lir.

"Onoki iba asaya aser asayartem mekangshidaksüner aser wrestler tali bendangleni oa asayadaksüner, ajita asünung dang alima nung asayar tajungtibatem den tokteptsü asoshi parnok maongka angutsü," ta Mary Kom-i ashi.

Tang tashi nung iba asayamung atema taoba aser tang world championship gold

medalists teku tashi-i parnok tenung züngoksema lir.

January ita Jantar Mantar nung anogo asem tashi longkak aitba mapang wrestlers temi, Wrestling Federation of India (WFI) loksa-a tekolakba Brij Bhushan Sharan Singh mapa nungi magin tashi parnoki national aser international asayamungtem nung shilem magitsü, ta shia liasü.

India team yamai alitsü: Greco-Roman: Manjeet (55kg), Vikram Kurade (60kg), Karanjeet (67kg), Nitin (63kg), Ashu (67kg), Ankit Gulia (72kg), S ajan (77kg), Rohit Dahiya (82kg), Narinder Cheema (97kg), Naveen (130kg).

Tetsür: Sushma Shokeen (55kg), Sito (57kg), Simran (59kg), Sumitra (62kg), Bhateri (65kg), Radhika (68kg), Reetika (72kg), Kiran (76kg).

Freestyle: Udit (57kg), Pankaj (61kg), Sujeet (65kg), Sagar Jaglan (74kg), Pardeep (79kg), Jonty Kumar (86kg), Prithviraj Patil (92kg), Sahil (97kg), Dinesh (125kg).

Deepika Kumari India team nung medensem



Sonipat, Tsüklai/February 20 (Agencies): Taoba mapang world number one asayar Deepika Kumari, shiba nubentsüba sülen tang asaya tenzükgogo, la Hombarnü Asian Games, World Cup aser World Championships atema Indian team nung mezüngoksema liasü.

World Cup nung gold medal aiben ngur aliba asayar, shiba mezüngbuba phase nung tenetbuba nung tembang la women's recurve event nung top eight metongteti final leg atema qualify mesüteti liasü. Iba selection trail ya SAI Sonipat nung agia liasü.

Hombarnüsa reigning junior aser taoba cadet world champion Komalika Bari aser taoba national champion Ridhi Phor nata top-eight metongteti liasü. Selection trail nung shimba asayartem ya team ana küma lemsar taküm Asian Games, World Cup stage pezü aser World Championships nung asayatsü.

Bhajan Kaur, Aditi Jaiswal, Ankita Bhakat aser Simranjeet Kaur nunger top four nung tembangogo aser parnok taküm asayamung tongtibangtem nung asayatsü.

Kasa mapang nung Deepika kinungbo Atanu Das-bo qualify

tanabuba (May 16-21) aser tasembuba (June 13-18) World Cup asayatsü.

World Championships Berlin nung August 31 nungi 6 tashi asayatsü aser iba mapang Paris Olympics atema quota agütsütsü. Maneni Asian Games Hangzhou nung September 23 nü nungi tenzüka asayatsü.

India nunger Team tem:

Recurve Men: 1 Recure Men: 1 Bommadevara (SSCB), 2 Atanu Das (PSPB), 3 Tarundeep Rai (SSCB), 4 Neeraj Chauhan (AIPSCB), 5 Tushar Shelke (AIPSCB), 6 Mrinal Chauhan (Jharkhand), 7 Jayanta Talukdar (Jharkhand), 8 Indrachand Swami (Punjab).

Recurve Women: 1 Bhajan Kaur (Haryana), 2 Aditi Jaiswal (Bengal), 3 Ankita Bhakat (Jharkhand), 4 Simranjeet Kaur (Punjab), 5 Madhu Vedwan (RSPB), 6 Sangeeta (Haryana), 7 Tanisha Verma (Punjab), 8 Prachi Singh (Rajasthan).

Compound Men: 1 Prathamesh Jawkar (Maharashtra), 2 Rajat Chauhan (Rajasthan), 3 Ojas Deotale (Maharashtra), 4 Rishabh Yadav (Haryana), 5 Abhishek Verma (Delhi), 6 Amit (SSCB), 7 Harsh Borate (Maharashtra), 8 Kushal Dalal (Haryana).

Compound Women: 1 Avneet Kaur (Punjab), 2 Jyothi Surekha Vennam, 3 Aditi SWami (Maharashtra), 4 Sakshi Chaudhary (UP), 5 Pragati (Delhi), 6 Raginee Marko (MP), 7 Parneet Kaur (Punjab), 8 Taniparthi Chikitha (Telengana).

Taküm mezüngbuba World Cup ya Antalya nung April 18 nungi 23 tashi asayatsü. Shanghai aser Medellin na nung

süogo. Pa küm ka dak tema team nung mezüngoksema lir tang züngoksemogo. Taoba küm trail agiba mapang Das qualify mesüteti liasü. Das tatema India team nungi Tokyo Olympics nung asaya liasü.

Pa Army man Dhiraj B sülen tanabuba jenjang nung tembang aser Tarundeep Rai aser Neeraj Chauhan nata top four-i iogo. Tushar Shelke, Mrinal Chauhan, Jayanta Talukdar aser Indrajit Swami nunger jenjang pongububa nungi tibuba tashi nung tembanga liasü.

Titans CC-i 3buba Champions Trophy kokogo

Dimapur, Tsüklai/February (TYO): Nagamese Baptist Fellowship Sports Ministry Chumoukedima Village-i ayongzüka 3buba Champions Trophy Titans Cricket Club-i kokogo. Iba asayamung ya "pursue oneness" omen nung ajemdaker asaya liasü.

Final asaya ya Titans Cricket Club aser Hurricane Cricket Club na asaya liasü. Toss akokba sülen Titans CC puri mezüng bat asütsü shim aser parnoki over 17.1 nung run 161 yanglu.

Asaya akoktsü atema run arishiba mapang Hurricane CC puri Titans-i yanglur aliba target run 13 agi memenepi asaya makok.

Iba asaya ya Titans CC-i run 13 agi akok. Final asaya nung Titans CC nungi asayar Pritam-i wicket pezü agiba atema pa

nem man of the match naroküm agütsü.

Asayamung akoker nem senpet sen 50,000 aser runners up nem 25,000 agüja liasü.

Jurila sempet agizükertem rongnung Hurricane CC nungi Ryan Lama nem Player of the tournament aser Highest run scorer naroküm agütsü. Pai run 229 yanglu aser wicket 9 agia liasü. Asayamung nung wicket timtiba agiba asayarji Dimapur Slammers nungi Apong liasü aser Dimapur Slammers nungisa Mughavi Best wicket keeper liasü. Fair play award KNG CC nem agüja liasü.

Asayamung shibangba sentong nung Buno Chatsu alakteta jaoker liasü aser pai asayartem takok anguyonga tamakok anguyonga maneni meranga asayatsü ajungshi.

Football selection trail ayonger

Dimapur, Tsüklai/February 20 (TYO): Directorate of Youth Resources & Sports-i sangdong ka ajanga, Academic session 2023 atema State Sports Hostel, Dimapur nung züngoksemsü asoshi Football (Boys) under 14 (Sub-Junior) aser under 17(Junior) selection trials agitsü ta sangdongogo.

Selection trail ya March 16 nungi 18 tashi Dimapur District Sports Council(DDSC) Stadium, Dimapur nung 8:30 ako nungi tenzüka agitsü.

Trail nung shilem agitsü atema from tem Youth Resources and Sports, Kohima, Kiran Sports, Dimapur, aser State Sports Hostel, Dimapur nung angutsü. Candidate temi tawa tangokba passport photo ana, AADHAR card, aser Birth certificate sayutsü nungdaker.

Trail dak sendakba nung osang tejangjaba agitsü atema Football Coach Mughato Aye den iba No. 9612443985 ajanga t o n g t e p r a t e p t s ü metetdaksüogo.

ISL 2022-23 Final Goa nung asayatsü

Tsüklai/February 20, 2023 (Agencies): Indian Super League-i Hombarnü sangdong ka ajanga 2022-23 season final PJJ Stadium, Fatorda, Goa nung asayatsü ta sangdongogo. Team tem atema training ground aser infrastructure peria aliba ajanga marquee match tem asayatsü asoshi Goa shimogo.

Fans temai March 5 nü nungi tenzüka final atema BookMyShow.com nung ticket book sütettsü. Carnival nung shilemka ama asaya reprangtsüba den bendenloksema fan temi parnok kinungertem den inyakym balala nung shilem agitettsü.

Taküm ISL kanga toktepa asayadar aser playoffs atema team aika kanga meranga toktepogo. Hopta 21 asyaba sülen Mumbai City FC (parnoki yashi League Shield kokogo), Hyderabad FC, ATK Mohun Bagan, Bengaluru FC aser Kerala Blasters FC playoffs atema qualify süogo aser kasa mapang nung Odisha FC aser FC Goa na tia tang tashi mejangjai lir aser tatembangbuba asaya sülenang jangjatsü.

Taküm iba asayamung nung Mumbai City FC-i kanga junga asaya arudar aser asayamung tenzüka mapang parnok asaya

18 tashi ken danga tamakok mongui asaya liasü, ajisüaka Bengaluru FC-i parnok akok, shirnok head coach Simon Grayson lenisüba nung playoff tongtetogo.

BFC makokba sülen taruba asaya nung Des Buckingham-i aniba team ya parnok indang ground nung Stephen Constantine-i aniba East Bengal FC-i goal 1-0 agi akok. Ajisüaka Mumbai puri Deobarnü Mumbai Football Arena nung league shield kokogo.

Defending champions Hyderabad FC pur taküm ISL nung goal timtiba idaksür aliba asayar Bart Ogbeche-i anir tanabuba jenjang nung playoff atema qualify süogo. Manolo Marquez-i iba asayamung ya tanabenbuba atonga akoktsü atema asayartem len anitsü imlar. ATK Mohun Bagan pura Juan Ferrando lenisüba nung play-offs atema qualify süogo.

Kerala Blasters pur Ivan Vukomanovic lenisüba nung play-off atema qualify süogo. Parnok rongnungi Uruguayan Adrian Luna-i kanga junga asaya arudar aser tongtibang mapangtem nung pai team atema kanga junga asaya takok nguyonga arudar.

BILEMDANGANG
"Temulung nung taitsüba agi sünga alirtem pela meliteter,"